



萬首唐人絕句卷第三十四

七言一百首

長安早春

施肩吾

五十一首

報花消息是春風未見先教何處紅
想得芳園十餘日萬家身在畫屏中

再酬李先輩

清辭再發郢人家字字新移錦上花
能使龍宮買綃女低回不敢織輕霞

寄隱者

路絕空林無處問幽奇山水不知名
松門拾得一片

履知是高人向此行

寄四明山子

高樓只在千峯裏塵世望君那得知長憶去年風雨
夜向君窓下聽猿時

觀美人

漆點雙眸鬢繞蠟長留白雪占曾前愛將紅袖遮嬌
笑往往偷開水上蓮

收糶詞

斜月朧朧照半床
熒熒孤妾懶收糶
燈前再覽青銅鏡
枉插金釵十二行

仙女詞

仙女群中名最高
曾看王母種仙桃
手題金簡非凡筆
道是天邊玉兔毛

仙翁詞

世閒無遠可爲游
六合朝行夕已周
壇上夜深風雨靜
小仙乘月繫蒼虬

遇李山人

遊山遊水幾千重
二十年中一度逢
別易會難君且住
莫交青竹化爲龍

同張鍊師溪行

青溪道士紫霞巾洞裏仙家舊是隣每見桃花逐流水無回不憶武陵人

桃源詞二首

天天花裏千家住摠爲當時隱暴秦歸去不論無舊識子孫今亦是他人

秦世老翁歸漢世還同白鶴返遼城縱令記得山川路莫問當時州縣名

送道友遊山

欲駐如今未老形萬重山上九芝清君今若問採芝路踏水踏雲攀杳冥

贈王屋劉道士

小有洞中長住客大羅天下後來仙出門即是尋常處未可還它跨鶴鞭

謝自然昇仙

分明得道謝自然古來漫說尸解仙如花年少一女
子身騎白鶴遊青天

秋吟獻李舍人

腸結愁根酒不消新驚白髮長愁苗主司儻許題名
姓筆下看成度海橋

山中喜靜和子見訪

絕壁深溪無四鄰每逢猿鶴即相親
小奴驚出垂藤下
山犬今朝吠一人

春日題羅處士山舍

亂疊千峯掩翠微
高人愛此自忘機
春風若掃階前地
便是山花帶錦飛

訪松嶺徐鍊師

千仞峯頭一謫仙
何時種玉已成田
開經猶在松陰裏
讀到南華第幾篇

江南織綾詞

卿卿買得越人絲
貪弄金梭懶畫眉
女伴能來看新

篋鴛鴦正欲上花枝

宿蘭若

聽鍾投宿入孤煙
巖下病僧猶坐禪
獨夜客心何處是
秋雲影裏一燈然

題禪僧院

栖禪枝畔數花新
飛作瑠璃地上塵
谷鳥自啼猿自叫
不能愁得定中人

送絕粒僧

碧洞青蘿不畏深
免將飢渴累禪心
若期野客來相訪
一室無煙何處尋

早春遊曲江

芳處亦將枯槁同應緣造化未施功
羲和若擬動鑪鞴先鑄曲江千樹紅

佳人覽鏡

每坐臺前見玉容今朝不與昨朝同
良人一夜出門宿校却桃花一半紅

遇王山人

每欲尋君千萬峯豈知人世也相逢
一瓢遺却在何處應挂天台最老松

遇醉道士

霞帔尋常帶酒眠路旁疑是酒中仙
醉來不住人家宿多向遠山松月邊

送人歸台州

莫驅歸騎且徘徊更遣離情四五杯
醉後不憂迷客路遙看瀑布識天台

贈施仙姑

縹緲吾家一女仙冰容雖小不知年
有時頻夜看明月心在常娥几按邊

山院觀花

初來唯見空樹枝今朝滿院花如雪
門前爲報諸少

年明日來遲不堪折

經桃花夫人廟

誰能枉駕入荒榛隨例形相土木身不及連山種桃
樹花開猶得識夫人

代農叟吟

且將一笑悅豐年漸老那能日日眠引客特來山地
上坐看秋水落紅蓮

下第春遊

羈情含蘖復含辛淚眼看花只似塵天遣春風領春
色不教分付與愁人

送僧遊越

麻衣年少雪爲顏却笑孤雲未是閑此去若逢花柳
月樓禪莫向苧羅山

遇越州賀仲宣

君在鏡湖西畔住四明山下莫經春門前幾箇采蓮
女欲泊蓮舟無主人

江南積雨歎

人厭爲霖水毀溪牀邊生菌路成泥雨師一日三回
到棟裏閑雲豈得棲

雲中道上作

羊馬群中覓人道。鴈門關外絕人家。昔時聞有雲中
郡。今日無雲空見沙。

同諸隱者夜登四明山

半夜尋幽上四明。手攀松桂觸雲行。相呼已到無人
境。何處玉簫吹一聲。

戲鄭申甫

年少鄭郎那解愁。春來閑卧酒家樓。胡姬若擬邀他
宿。挂却金鞭繫紫驄。

宿千越亭

琵琶洲上人行絕。千越亭中客思多。月滿秋江山冷

落。不知誰問夜如何。

少女詞二首

嬌羞不肯點新黃。踏過金鈿出繡牀。信物無端寄誰
去。等閑裁破錦鴛鴦。

同心帶裏脫金錢。買取頭花翠羽連。手執木蘭猶未
慣。今朝初上采菱船。

冬詞

錦繡堆中卧初起。芙蓉面上粉猶殘。臺前也欲梳雲
髻。只怕盤龍手捻難。

昭君怨

馬上海徒勞別恨深
摠緣如玉不輸金
已知賤妾無歸日
空荷君王有悔心

贈仙子

欲令雪貌帶紅芳
更取金瓶瀉玉漿
鳳管鶴聲來未足
懶眠秋月憶蕭郎

越溪懷古

憶昔西施人未求
浣紗曾向此溪頭
一朝得侍君王側
不見玉顏空水流

秋夜山中贈別友人

何處邀君話別情
寒山木落月華清
莫愁今夜無詩思
已聽秋猿第一聲

大堤新詠

行路少年知不知
襄陽全欠舊來時
宜城賈客載錢出
始覺大堤無女兒

宿四明山

黎洲老人命余宿
杳然高頂浮雲平
下視不知幾千仞
欲曉不曉天雞聲

禁中新柳

萬條金線帶春煙
深染青絲不直錢
又免生當離別地
宮鶻啼處禁門前

酬張明府

潘令新詩忽寄來，分明繡段對花開。
此時欲醉紅樓裏，正被歌人勸一杯。

酬施先輩

孟簡一首

襄陽才子得聲多，四海皆傳古鏡歌。
樂府正聲三百首，黎園新入教青娥。

商山祠堂即事

竇常四首

奪嫡心萌事可憂，四賢西笑暫安劉。
後王不敢論珪組，土偶人前枳樹秋。

七夕

露盤花水望三星，髣髴虛無為降靈。
斜漢沒時人不寐，幾條蛛網下風庭。

過宋氏五女舊居

謝廷風韻婕妤，才天縱斯文去不回。
一宅柳花今似雪，鄉人擬築望仙臺。

杏山館聽子規

楚塞餘春聽漸稀，斷猿今夕讓霑衣。
雲埋老樹空山裏，髣髴千聲一度飛。

奉酬楊侍郎

竇牟四首

翠羽雕蟲日日新，翰林工部欲何神。
自悲由瑟無彈

處今作關西門下人

杏園渡

衛郊多壘少人家。南渡天寒日又斜。君子素風悲已矣。杏園無復一枝花。

奉誠園聞笛

曾絕珠纓吐錦茵。欲披荒草訪遺塵。秋風忽灑西園淚。滿目山陽笛裏人。

酬舍弟庠罷舉從辟

之荆且願依劉表。折桂終慙見郤詵。舍弟未應絲作鬢。園公不用印隨身。

初入諫司喜家室至

竇羣 七首

一旦悲歡見孟光。十年辛苦伴滄浪。不知筆硯緣封事。猶問傭書日幾行。

春雨

昨日偷閑看花了。今朝多雨柰人何。人間盡似逢花雨。莫愛芳菲濕綺羅。

送內弟袁德師

南渡登舟即水仙。西垣有客思悠然。因君相問為官意。不賣毗陵負郭田。

贈劉大兄院長

萬年枝下昔同趨。三事行中半已無。路自長沙急相見。共驚雙鬢別來殊。

晚自臺中歸

白髮駸駸生有涯。青襟曾愛紫河車。自憐悟主難歸去。馬上看山恐到家。

假日尋花

武陵緣源不可到。河陽帶縣詎堪夸。枝枝如雪南關外。一日休閑盡屬花。

經中牟魯公廟

青史編名在篋中。故林遺廟揖仁風。還將文字如顏

色。暫下蒲車為魯公。

段都尉別業

竇庠九首

曾識將軍段匹碑。幾場花下醉如泥。春來欲問林園主。桃李無言鳥自啼。

靈臺鎮

曉日天山雪半晴。紅旗遙識漢家營。近來胡騎休南牧。羊馬城邊春草生。

贈道芬上人善畫松石

雲濕煙村不可闕。畫時唯有鬼神知。幾回逢着天台客。認得巖西最老枝。

金山寺

一點青螺碧浪中全依水府與天通晴江萬里雲飛盡
盡鰲背參差日氣紅

冬夜寓懷寄翰林王補闕

滿地霜蕪葉下枝幾回吟斷四愁詩漢家若欲論封禪
禪須及相如未病時

贈符載

白社會中嘗共醉青雲路上未相逢時人莫小池中
水淺處無妨有卧龍

龍門看花

無葉無枝不見空連天撲地逕纔通山鶯驚起酒醒
處火焰燒人雪噴風

陪留守巡內至上陽宮感興二首

翠輦西歸七十春玉堂珠綴儼埃塵武皇弓劍埋何
處泣問上陽宮裏人

愁雲漠漠草離離太液鉤陳處處疑薄暮毀垣春雨
裏殘花猶發萬年枝

陝府覽房杜二公仁壽中題紀

竇鞏共二首

仁壽元和二百年蒙籠水墨淡如煙當時憔悴題名
日漢祖龍潛未上天

早春送宇文十

春遲不省似今年二月無花雪滿天
村店閉門何處宿夜深遙喚渡江船

經寶車騎故城

荒陂古堞欲千年名振圖書劍在泉
今日諸孫拜墳樹愧無文字續燕然

贈王氏小兒

竹林會裏偏憐小淮水清時最覺賢
莫倚兒童輕歲月丈人曾共爾同年

唐州東途作

綠林兵起結愁雲白羽飛書未解紛
天子欲開三面網莫將弓箭射官軍

新羅進白鷹

御馬新騎禁苑秋白鷹來自海東頭
漢皇無事須游獵雪亂爭飛錦臂鞬

秋夕

護霜雲映月朦朧烏鵲爭飛井上桐
夜半酒醒人不覺滿池荷葉動秋風

襄陽寒食寄宇文籍

煙水初銷見萬家東風吹柳萬條斜
大隄欲上誰相

伴馬踏春泥半是花

奉使薊門

自從身屬富人侯
蟬噪槐花已四秋
今日一莖新白髮
懶騎官馬到幽州

送劉禹錫

十年憔悴武陵溪
鶴病深林玉在泥
今日太行平似砥
九霄初倚入雲梯

送元稹西歸

南州風土滯龍媒
黃紙初飛勅字來
二月曲江連舊宅
阿婆情熟牡丹開

過驪山

翠輦紅旌去不回
蒼蒼宮樹鎖青苔
有人說得當時事
曾見長生玉殿開

洛中即事

高梧葉盡鳥巢空
洛水潺湲夕照中
寂寂天橋車馬絕
寒鴉飛入上陽宮

尋道者所隱不遇

籬外涓涓澗水流
槿花半點夕陽收
欲題名字知相訪
又恐芭蕉不柰秋

寄南游兄弟

書來未報幾時還
知在三湘五嶺間
獨立衡門秋水闊
寒鴉飛去日銜山

宮人斜

離宮路遠北原斜
生死深恩不到家
雲雨今歸何處去
黃鸝飛上野棠花

代鄰叟

年來七十罷耕桑
就暖支羸強下牀
滿眼兒孫身外事
閑梳白髮向殘陽

新營別墅寄家兄

懶性如今成野人
行藏由興不由身
莫驚此度歸來

晚買得西山正值春

自京中將赴黔南

風雨荊州二月天
問人初雇峽中船
西南一望和雲水
猶道黔南有四千

南遊感興

傷心欲問前朝事
惟見江流去不回
日暮東風春草綠
鷓鴣飛上越王臺

題劔津

風前推折千年劔
巖下澄空萬古潭
雙劔變成龍化去
兩溪相並水歸南

放魚

金錢贖得免刀痕聞道禽魚亦感恩好去長江千萬里不須辛苦上龍門

王仙壇

林傑二首

羽客已登雲路去丹爐草木盡燒殘不知千載歸何日空使時人掃舊壇

乞巧

七夕今宵看碧霄牽牛織女渡河橋家家乞巧望秋月穿盡紅絲幾萬條

萬首唐人絕句卷第三十四

萬首唐人絕句卷第三十五

七言一百首

吳苑思

陳陶六十首

今人地藏古人骨古人花爲今人發江南何處葬西施謝豹空聞采香月

古意

麻姑井邊一株杏花開不如古時紅西鄰蔡家十歲女年年二月真東風

朝元引四首

帝燭熒煌下九天蓬萊宮曉玉爐煙無央鸞鳳隨金

母來賀薰風一萬年

正殿雲開露冕旒下方朱翠壓鰲頭天雞唱罷南山
曉春色先歸十二樓

萬宇靈祥擁帝居東華元老薦屠蘇龍池遙望非煙
拜五色瞳矐在玉壺

寶祚河宮一向清龜魚天篆益分明近臣誰獻登封
草五岳齊呼萬歲聲

宿天竺寺

一宵何期此靈境五天山香金地冷西僧示我高隱
心月在中峯葛洪井

古蓮塘

闔閭宮娃能采蓮明珠作佩龍爲船三千巧笑不復
見江頭廢苑花年年

雙桂詠

青冥結根易傾倒沃洲山中雙樹好瑠璃宮殿無斧
聲石上蕭蕭伴僧老

夏日懷

竹齋睡餘柘漿清麟鳳誘我勞此生忽憶天台掩書
坐澗雲起盡紅崢嶸

仙人詞二首

小山皆爲十洲客
莓苔爲衣雙耳白
青編遺我忽隱
身暮雨虹蜺一千尺
赤城門開六丁直
曉日已燒東海色
朝天半路聞玉
雞星斗離離礙龍翼

臨風歎

芙蓉樓中飲君酒
驪駒結言春楊柳
豫章花落不見
歸一望東風堪白首

春日行

鷓鴣初鳴洲渚滿
龍蛇洗鱗春水暖
病多欲問山寺
僧湖上人傳石橋斷

春歸去

九十春光在何處
古人今人留不住
年年白眼向黔
婁唯放蟻螬飛上樹

蜀葵詠

綠衣宛地紅倡倡
薰風似舞諸女郎
南鄰蕩子婦亡
賴錦機春夜成文章

南昌途中

古道寅緣蔓黃葛
栢伊冢西春水闊
村翁莫倚橫浦
曾一半魚鰕屬鷓獮

子規思

春山杜鵑來幾日夜啼南家復北家野人聽此坐惆
悵恐畏踏落東園花

吳興秋思二首

不是茗溪厭看月天涯有程雲樹涼何意汀洲剩風
雨白蘋今日似瀟湘

日夕鯤魚夢南國茗陽水高迷渡頭故山秋風憶歸
去白雲又被王孫留

閩川夢歸

千里潺湲建溪路夢魂一夕西歸去龍舫欲上巴獸
灘越王金雞報天曙

竹十首

不厭東溪綠玉君天壇雙鳳有時聞一峯曉似朝仙
處青節森森倚絳雲

萬枝朝露學瀟湘杳靄孤亭白石涼誰道乖龍不得
雨春雷入地馬鞭狂

須題內史琅玕塢幾醉山陽瑟瑟村剩養萬莖將掃
俗莫教凡鳥開雲門

一溪雲母間靈花似到封侯逸士家誰識雌雄九成
律子喬丹井在深涯

嘯入新篁一里行萬竿如甕鎖龍泓驚巢翡翠無尋

處閑倚雲根刻姓名

燕燕雛時紫米香野溪羞色過東墻諸兒莫拗成蹊
筍從結高籠養鳳皇

迸玉閑抽上釣磯翠苗番次脫霞衣山童泥乞青驄
馬騎過春泉掣手飛

一節呼龍萬里秋數莖垂海六鼇愁更須瀑布峯前
種雲裏闌干過子猷

丘壑誰堪話碧鮮靜尋春譜認嬋娟會當小殺青瑤
簡圖寫龜魚把上天

玄圃千春閉玉叢湛陽一祖碧雲空不須騷屑愁江

島今日南枝在國風

鍾陵秋夜

洪崖嶺上秋月明野客枕底章江清蓬壺宮闕不可
夢一一入樓歸鴈聲

江上逢故人

十年蓬轉金陵道長哭青雲身不早故鄉逢盡白頭
人清江顏色何曾老

水調詞十首

黠虜迢迢未肯和五陵年少重橫戈誰家不結空閨
恨玉筯闌干妾最多

羽管慵調怨別離西園新月伴愁眉容華不分隨君
去獨有粧樓明鏡知

憶餞良人玉塞行梨花三見換啼鶯邊場豈得勝閨
閣莫逞瑀弓過一生

惆悵江南早鴈飛年年辛苦寄寒衣征人豈不思鄉
國只是皇恩未放歸

水閣蓮開燕引雛朝朝攀折望金吾聞道磧西春不
到花時還憶故園無

自從清野戍遼東舞袖香銷羅幌空幾度長安發梅
柳節旄零落不成功

長夜孤眠倦錦衾秦樓霜月苦邊心征衣一倍裝綿
厚猶慮交河雪凍深

瀚海長征古別離華山歸馬是何時仍聞萬乘尊猶
屈裝束千嬌嫁郅支

沙塞依稀落日邊寒宵魂夢怯山川離居漸覺笙歌
懶君逐票姚已十年

萬里輪臺音信希傳聞移帳護金微會須麟閣留蹤
跡不斬天驕莫議歸

送謝山人歸江夏

黃鶴春風二千里山人佳期碧江水携琴一醉楊柳

堤日暮龍沙白雲起

閑居雜興五首

虞韶九奏音猶在只是巴童自棄遺閑卧清秋憶師
曠好風搖動古松枝

一顧成周力有餘白雲閑釣五溪魚中原莫道無麟
鳳自是皇家結網踈

長愛真人王子儔五松山月伴吹簫從他浮世悲生
死獨駕蒼麟入九霄

越里娃童錦作襦艷歌聲壓郢中姝無人說向張京
兆一曲江南十斛珠

雲堆西望賊連營分閫何當舉義兵莫道羔裘無壯
節古來成事盡書生

泉州刺桐花兼呈趙使君四首

猗猗小艷夾通衢晴日薰風笑越姝只是紅芳移不
得刺桐屏障滿中都

髣髴三株植世間風光滿地赤城閑無因秉燭看奇
樹長伴劉公醉玉山

赤帝嘗聞海上遊三千幢蓋擁炎洲今來樹似離宮
色紅翠欹斜十二樓

不勝攀折悵年華紅樹南看見海涯故國春風歸去

盡何人堪寄一枝花

投贈福建桂常侍二首

後來台席更何人都護朝天拜近臣
長笑當時漢卿士等閑恩澤書麒麟

匝地歌鍾鎮海隅
城池鞅掌舊名都
不知珠履三千外更許侯嬴寄食無

隴西行四首

漢主東封報太平
無人金闕議邊兵
縱饒奪得林胡塞
磧地桑麻種不生

誓掃匈奴不顧身
五千貂錦喪胡塵
可憐無定河邊骨
猶是春閨夢裏人

隴戍三看塞草青
樓煩新替護羌兵
同來死者傷離別
一夜孤魂哭舊營

黠虜生擒未有涯
黑山營陣識龍蛇
自從貴主和親後
一半胡風似漢家

答蓮華妓

近來詩思清於水
老去風情薄似雲
已向升天得門戶
錦衾深愧卓文君

下第寄友

林寬 六首

詩人道僻命多奇
更值干戈亂起時
莫作江陵王少

府一生吟苦竟誰知

華清宮

殿角鍾殘立宿鴉朝元歸駕望無涯香泉空浸宮前
草未到春時爭發花

終南山

標竒聳峻壯長安影入千門萬戶寒徒自倚天生氣
色塵中誰爲舉頭看

歌風臺

蒿棘空存百尺基酒酣曾唱大風詞莫言馬上得天
下自古英雄盡解詩

長安遣懷

醉下高樓醒後登任從浮薄笑才能青龍寺裏三門
上立爲南山不爲僧

聞鴈

接影橫空背雪飛聲聲寒出玉關遲上陽宮裏三千
夢月冷風清聞過時

贈竇牟

楊憑十四首

直用天才衆却瞋應欺李杜久爲塵南荒不死中華
老別玉翻同西國人

千葉桃花

千葉樹。百花孤榮。春晚駐年華。若教避俗秦人。
見知向河源。舊侶誇。

春中汎舟

仙郎歸奏過湘東。正值三湘二月中。惆悵滿川桃李。
醉醉看還與曲江同。

雨中怨秋

辭家遠客愴秋風。千里寒雲與斷蓬。日暮隔山投古
寺。鍾聲何處雨濛濛。

秋日獨遊曲江

信馬閑過憶所親。秋山行盡路無塵。主人莫惜松陰

醉還有千錢沽酒人。

寄別

晚煙洲霧共蒼蒼。河鴈驚飛不作行。回旆轉舟行數
里。歌聲猶自逐清湘。

邊情

新種如今屢請和。玉關邊上幸無他。欲知北海苦辛
處。看取節毛餘幾多。

早發湘中

按節鳴笳中貴催。紅旌白旆滿船開。迎愁湓浦登城
望。西見荆門積水來。

海榴

海榴殷色透簾籠。看盛看衰意欲同。若許三英隨五馬，便將濃艷鬪繁紅。

春情

暮雨朝雲幾日歸。如絲如霧濕人衣。三湘二月春光早，莫逐狂風撩亂飛。

送客往荊州

巴丘過日暮登城。雲水湘東一色平。若愛春秋繁露學，正逢元凱鎮南荆。

戲贈馬鍊師

心嫌碧落更何從。月破花冠冰雪容。行雨若迷歸路處，近前唯見祝融峯。

湘江泛舟

湘川洛浦三千里。地角天涯南北遙。除却同傾百壺外，不愁誰柰兩魂消。

送別

江岸梅花雪不如。看君驛馭向南都。相聞不必因來鴈，雲裏飛難落素書。

唐昌觀玉蘂花

楊凝 十一首

瑤華瓊蘂種何年。蕭史秦嬴向紫煙。時控綵鸞過舊

唐詩集卷三十五
邱摘花持獻玉皇前

別李協

江邊日暮不勝愁送客霑衣江上樓
明月峽添明月照蛾眉峯似兩眉愁

初次巴陵

西江浪接洞庭波積水遙連天上河
鄉信爲憑誰寄去汀洲燕鴈漸來多

上巳

帝京元巳足繁華細管清絃七貴家
此日風光誰不共紛紛皆是掖垣花

春怨

花滿簾櫳欲度春此時夫婿在咸秦
綠窻孤寢難成寐紫燕雙飛似弄人

送客歸常州

行到河邊從此辭寒天日遠暮帆遲
可憐芳草成衰草公子歸時過綠時

送別

春愁不盡別愁來舊淚猶長新淚催
相思儻寄相思子君別揚州揚子回

送客入蜀

劍閣迢迢夢想間行人歸路遶梁山明朝騎馬搖鞭
去秋雨槐花子午閒

送別

仙花笑盡石門中石室重重掩綠空
斲下雲峯能幾日却回煙駕馭春風

殘花

五馬踟躕在路岐南來只爲看花枝
鶯銜蝶弄紅芳盡此日深閨那得知

戲贈友人

湘陰直與地陰連此日相逢憶醉年
美酒非如平樂

貴十升不用一千錢

卽事寄人

楊凌六首

中禁鳴鍾日欲高北窓欹枕望頻搔
相思寂寞青苔合唯有春風啼伯勞

早春雪中

新年雨雪少晴時屢失尋梅看柳期
鄉信憶隨回雁早江春寒帶故陰遲

北行留別

日日山川烽火頻三河重起舊煙塵
一生孤負龍泉劍羞把詩書問故人

秋原晚望

客鴈秋來次第逢。家書頻寄兩三封。夕陽天外雲歸盡。亂見青山無數峯。

春霽花萼樓南聞宮鶯

祥煙瑞氣曉來輕。柳變花開共作晴。黃鳥遠啼鳩鵲觀。春風流出鳳皇城。

明妃曲

漢國明妃去不還。馬馱絃管向陰山。匣中雖有菱花鏡。羞對單于照舊顏。

後魏行

王粲一首

力微皇帝謗天嗣。太武凶殘人所畏。一朝粘蹏飛上天子孫。盡作河魚餌。

東都望幸

章碣二首

懶修珠翠上高臺。眉月連娟恨不開。縱使東巡也無益。君王自領美人來。

焚書坑

竹帛煙銷帝業虛。關河空鎖祖龍居。坑灰未冷山東亂。劉項元來不讀書。

萬首唐人絕句卷第三十五

萬首唐人絕句卷第三十六

七言一百首

逢鄭三游山

盧仝 九首

相逢之處花茸茸石壁攢峯千萬重他日期君何處
好寒流石上一株松

楊子津

風卷魚龍暗楚關白波沉却海門山鵬騰鰲倒且快
性地拆天開揔是閑

悲新年

新年何事最堪悲病客遙聽百舌兒太歲只遊桃李

徑春風肯管歲寒枝

客淮南病

揚州丞毒似燂湯客病清枯鬢欲霜且喜閉門無俗物四支安穩一張牀

風中琴

五音六律十三徽龍吟鶴響思庖羲二彈流水一彈月水月風生松樹枝

逢病軍人

行多有病住無糧萬里還鄉未到鄉蓬鬢衰吟古城下不堪秋氣入金瘡

送蕭二十三

淮上客情殊冷落蠻方春早客何如相思莫道無來使回鴈峯前好寄書

庭竹

負霜停雪舊根枝龍笙鳳管君莫截春風一番琴上來瑤碎金樽碧天月

山中

飢拾松花渴飲泉偶從山後到山前陽坡軟草厚如織困與鹿麕相伴眠

別舊山

于鵠 四首

舊伴同游盡却回雲中獨宿守花開自是去人身漸
老暮山流水任東來

寄周惲

家在荒陂長似秋蓼花芹葉水蟲幽去年相伴尋山
客明月今宵何處遊

江南意

悶向江頭採白蘋還隨女伴賽江神衆中羞不分明
語暗擲金錢卜遠人

寓意

自小看花情不足江邊尋得一株紅黃昏人散春風

起吹落誰家明月中

夜夜曲

王偃一首

北斗星移銀漢低班姬愁思鳳城西青槐陌上人行
絕明月樓前烏夜啼

塞上曲

周朴一首

一墜風來一墜沙有人行處沒人家黃河九曲冰先
合紫塞三春不見花

塞下曲

石國胡兒向磧東愛吹橫笛引秋風夜來雲雨皆飛
盡月照平沙萬里空

鳳歸雲二首

滕潛二首

金井欄邊見羽儀
梧桐枝上宿寒枝
五陵公子憐文綵
畫與佳人刺繡衣

飲啄蓬山最上頭
和煙飛下禁城秋
曾將弄玉歸雲去
金翹斜開十二樓

忠州郡宅

白行簡一首

臨江一嶂白雲間
紅綠層層錦繡班
不作巴南天外意
何殊昭應望驪山

臺中寓直覽壁畫山水

羊士諤

九九首

蟲思庭莎白露天
微風吹竹曉淒然
今來始悟朝回

客暗寫歸心向石泉

望女兒山

女兒山頭春雪消
路傍仙杏發柔條
心期欲去知何日
惆悵回車上野橋

宮人斜

翡翠無窮掩夜泉
猶疑一半作神仙
秋來還照長門月
珠露寒花是野田

王學士獨游青龍寺翫紅葉因贈

十畝蒼苔繞畫廊
幾株紅樹過清霜
高情還似看花去
閑對南山步夕陽

登樓

槐柳蕭疎繞郡城
夜添山雨作江聲
秋風南陌無車馬
獨上高樓故國情

憶江南舊遊二首

山陰道上桂花初
王謝風流滿晉書
會作江南部從事
秋來還復憶鱸魚

曲水三春弄采毫
樟亭八月又觀濤
金罍幾醉烏程酒
鶴放閑吟把蟹螯

郡中即事二首

紅衣落盡暗香殘
葉上秋光白露寒
越女含情已無

限莫教長袖倚欄干

登臨何處見瓊枝
白露寒花自繞籬
唯有樓中好山色
稻畦殘水入秋池

游西山蘭若

路傍垂柳古今情
春草春泉咽又生
借問山僧好風景
看花携酒幾人行

寄江陵韓少尹

別來玄髮共成霜
雲起無心出帝鄉
蜀國魚牋數行字
憶君秋夢過南塘

資州宴行營回將

几劔盈庭酒滿卮
戍人歸日及瓜時
元戎靜鎮無邊事
遣向營中偃畫旗

看花

一到花間一忘歸
玉杯瑤瑟減光輝
歌筵更覆青油幕
忽似朝雲瑞雪飛

詠渠州常諫議使君

才子長沙暫左遷
能將意氣慰當年
至今猶有東山妓
長史歌詩被管絃

赴資陽經嶓冢山

寧辭舊路駕朱轡
重使疲人感漢恩
今日鳴騶到嶓

峽還勝博望至河源

野望二首

萋萋麥隴杏花風
好是行春野望中
日暮不辭停五馬
鴛鴦飛去綠江空

忘懷不使海鷗疑
水映桃花酒滿卮
亭上一聲歌白紵
野人歸棹亦行遲

蕭彭州出妓夜宴見送

玉顏紅燭忽驚春
微步凌波拂暗塵
自是當歌斂眉黛
不應惆悵爲行人

題松江館

唐詩卷三十一
津柳江風白浪平
棹移高館古今情
扁舟一去鴟夷子
應笑分符計日程

齋中詠懷

無心唯有白雲知
閑卧高齋夢蝶時
不覺東風過寒食
雨來萱草出巴籬

永寧里小園寄沈校書

故里心期柰別何
手移芳樹憶庭柯
東臯黍熟君應醉
梨葉初紅白露多

登郡前山

洛陽歸客滯巴東
處處山櫻雪滿叢
峴首當時爲風

景豈將官舍作池籠

春望

莫問華簪髮已班
歸心滿目是青山
獨上層城倚危檻
柳營春盡馬嘶閑

汎舟入後溪二首

東風朝日破輕嵐
仙棹初移酒未酣
玉笛閑吟折楊柳
春風無事傍魚潭

雨餘芳草淨沙塵
水綠灘平一帶春
唯有啼鶻似留客
桃花深處更無人

山閣聞笛

臨風玉管吹參差山塢春深日又遲李白桃紅滿城
郭馬融閑卧望京師

夜聽琵琶三首

掩抑危絃咽又通朔雲邊月想朦朧當時誰佩將軍
印長使蛾眉怨不窮

一曲徘徊星漢稀夜闌幽怨重依依忽似撻金來馬
上南枝棲鳥盡驚飛

破撥聲繁恨已長低鬟歛黛更摧藏潺湲隴水聽難
盡併覺風沙繞畫梁

灞上

紇干著 三首

鳴鞭晚日禁城東渭水晴煙灞岸風都傍柳陰回首
望春天樓閣五雲中

古仙詞

珠幡絳節曉霞中漢武清齋待少翁不向人間戀春
色桃花自滿紫陽宮

感春詞

未得鳴珂謁漢宮江頭寂寞向春風悲歌一曲心應
醉萬葉千花淚滿中

雨霽登北原

盧隱 五首

稻黃撲撲黍油油野樹連山澗北流憶得年時馮翊

郡謝郎相引上樓頭

長安親故

楚蘭不佩佩吳鉤帶酒城頭別舊遊年事已多筋力
在試將弓箭到并州

悲秋

秋空鴈度青天遠踈樹蟬嘶白露寒階下敗蘭猶有
氣手中團扇漸無端

晚蟬

深藏高柳背斜暉能軫孤愁感昔圍猶畏旅人頭不
白再三移樹帶聲飛

惟揚郡西亭贈友人

萍飈風池香滿船楊花漠漠暮春天玉人此日心中
事何似乘羊入市年

贈強山人

郎士元 三首

或棹輕舟或杖藜尋常適意釣前溪草堂竹徑在何
處落日孤煙寒渚西

栢林寺南望

谿上遙聞精舍鍾泊舟微徑度深松青山霽後雲猶
在畫出西南四五峯

聽鄰家吹笙

鳳吹聲如隔采霞不知墻外是誰家重門深鎖無尋
處疑有碧桃千樹花

從軍

馬逢 三首

漢馬千蹄合一群單于鼓角隔山聞沙墮風起紅樓
下飛上胡天作陣雲

宮詞二首

金吾持戟護軒簷天樂傳教萬姓瞻樓上美人相倚
看紅粧透出水精簾

玉樓天半起笙歌風送宮人笑語和月影殿開聞曉
漏水精簾捲近秋河

寓言

李洞 九首

三千宮女露蛾眉笑煮黃金日日遲麟鳳隔雲攀不
及空山惆悵夕陽時

客亭對月

游子離魂隴上花風飄浪卷遶天涯一年十二度圓
月十一回圓不在家

宿鄆郊贈羅處士

川靜星高栗已枯南山落石水聲麤白雲釣客窓中
宿卧數嵩峯聽五湖

贈功臣

征蠻破虜漢功臣携劔歸來萬里身閑倚凌煙金柱
看形容消瘦老於真

有贈

愛酒耽棋田處士彈琴詠史賈先生御溝臨岸有雲
白不見鶴來何處行

送三藏歸西天

十萬里程多少難沙中彈舌受降龍五天到日應頭
白月落長安半夜鍾

金陵懷古

古來無此戰爭功日日戈船漾海風一度靈龜開睡

眼六朝灰盡九江空

長安縣廳

主人寂寞客屯邅愁列終南滿眼前乞取中庭藤五
丈爲君高斲望前天

題晰上人賈島詩卷

賈生詩卷惠休裝百葉蓮花萬里香供得半年吟不
足長須字字頂司倉

和茅山高拾遺山泉

儲嗣宗

八首

香味清機仙府回縈紆亂石便流杯春風莫逐桃花
去恐引漁人入洞來

巢鶴

千歲雲間丁令威殷勤仙骨莫仙飛若逢茅氏傳消息
貞白先生不久歸

胡山

犬入五雲音信絕鳳棲疑碧悄無聲焚香古洞步虛
夜露濕松花空月明

小樓

松杉風外亂山青曲几焚香對石屏空憶去年春雨
後燕泥時污太玄經

山鄰

石橋春澗已歸遲夢入仙山山不知柱史從來非俗
吏青牛道士莫相疑

隨邊使過五原

偶逐星車犯虜塵故鄉常恐到無因五原西去陽關
廢日没平沙不見人

春懷寄秣陵知友

廬江城外柳堪攀萬里行人尚未還借問景陽臺下
客謝家誰更作東山

月夜

鴈池衰草露沾衣河水東流萬事微寂寞青陵臺上

月秋風滿樹鵲南飛

山行

李郢十八首

小田微雨稻苗香
田畔清溪滴滴涼
自憶東吳榜舟日
蓼花溝水半篙強

上元日寄湖杭二從事

戀別山燈憶水燈
山光水焰百千層
謝公留賞山公喚
知入笙歌阿那朋

寒食野望

舊墳新隴哭多時
流世都堪幾度悲
烏鳥亂啼人未遠
野風吹散白棠梨

清明日題一公禪室

山頭蘭若石楠春
山下清明煙火新
此日何窮禮禪客
歸心誰是戀禪人

七夕寄張氏兄弟

新秋牛女會佳期
紅粉筵開玉饌時
好與檀郎寄花朵
莫教清曉羨蛛絲

春晚與諸同舍出城迎座主侍郎

三十驂騮一闋塵
來時不鎖杏園春
東風柳絮輕如雪
應有偷游曲水人

張郎中宅戲贈二首

薄雪燕翁紫燕釵釵垂簾欵抱香懷一聲歌罷劉郎
醉脫取明金壓繡鞋

謝家青妓邃重關誰省春風見玉顏聞道綵鸞三十
六一雙雙對碧池蓮

醉送

江梅冷艷酒清光急拍繁絃醉畫堂無限柳條多少
雪一將春恨付劉郎

曉井

桐陰覆井月斜明百尺寒泉古甃清越女携餅下金
索曉天初放轆轤聲

南池

小男供餌婦搓絲溢榼香醪倒接籬日出兩竿魚正
食一家歡笑在南池

偶作

一杯正發吟哦興兩盞還生去住愁何似全家上船
去酒旗多處即淹留

畫鼓

常聞畫鼓動歡情及送離人恨鼓聲兩杖一揮行纜
解暮天空使別菟驚

燕翁花

十二街中何限草
燕翁盡欲占殘春
黃花撲地無窮
極愁殺江南去住人

邵博士溪亭

野茶無限春風葉
溪水千重返照波
只去長橋三十
里誰人一解枉帆過

小石上見亡友題處

石清瑋入紫煙
陸雲題處是前年
苔侵雨打依稀
在惆悵涼風樹樹蟬

洞靈觀流泉

石上苔蕪水上煙
潺湲聲在觀門前
千巖萬壑分流

去更引飛花入洞天

送李判官

津市停橈送別難
熒熒蠟炬照更闌
東風萬疊吹江
月誰伴袁褰宿夜灘

送梁補闕賦得荻花

朱長文 一首

柳家汀洲孟冬月
雲寒水清荻花發
一枝持贈朝天
人願比蓬萊殿前雪

越溪怨

後朝光 一首

越王宮裏如花人
越水溪頭采白蘋
白蘋未盡人先
盡誰見江南春復春

毀天樞

李休烈一首

天門街上倒天樞
火急先須卸火珠
計合一條麻線
挽何勞兩縣索人夫

萬首唐人絕句卷第三十六

萬首唐人絕句卷第三十七

七言一百首

宮鳥栖

趙嘏一百首

宮鳥栖處玉樓深
微月生簷夜夜心
香輦不回花自落
春來空佩辟寒金

長信宮

君恩已盡欲何歸
猶有殘香在舞衣
自恨身輕不如燕
春來長遶御簾飛

廣陵城

紅映高臺綠繞城
城邊春草傍墻生
隋家不向此中

盡汴水應無東去聲

冷日過驪山

冷日微煙渭水愁翠華宮樹不勝秋霓裳一曲千門
鎖白盡梨園弟子頭

下第後歸永樂里自題二首

無地無媒只一身歸來空拂滿牀塵尊前盡日誰相
對唯有南山似故人

玄髮侵愁忽似翁暖塵寒袖共東風公卿門戶不知
處立馬九衢春影中

出試日獨遊曲江

江莎漸映花邊綠樓日自開池上春雙鶴遶空來又
去不知臨水有愁人

題曹娥廟

青娥埋沒此江濱江樹颼颼慘暮雲文字在碑碑已
墮波濤辜負色絲文

題段氏中臺

看山臺下水無塵碧篠前頭曲水春獨對一樽風雨
夜不知家有早朝人

華州座中獻盧給事

送迎皆到三峯下滿面煙霜滿馬塵自是追攀認知

已青雲不假送迎人

商山道中

和如春色淨如秋五月商山是勝遊當晝火雲生不
得一溪縈作萬重愁

贈歙州妓

灑灑橫波思有餘庾樓明月墮雲初揚州寒食春風
寺看遍花枝盡不如

贈王明府

五柳逢秋影漸微陶潛戀酒不知歸但存物外醉鄉
在誰向人間問是非

呂校書雨中見訪

竹閣斜溪小檻明惟君來賞見山情馬嘶風雨又歸
去獨聽子規千萬聲

千秋嶺下

知有巖前萬樹桃未逢搖落思空勞年年盛發無人
見三十六溪春水高

歙州道中僕逃

去跳風雨幾奔波曾共辛勤柰若何莫遣窮歸不知
處秋山重疊戍旗多

重陽日寄韋舍人

節過重陽菊委塵江邊病起杖扶身不知此日龍山
會誰是風流落帽人

贈薛勛下第

一擲雖然未得盧驚人不用繞牀呼牢之坐被青雲
逼祇問君能酷似無

宛陵望月寄沈學士

一川如畫敬亭東待詔閑遊處處同天竺山前鏡湖
畔何如今日庾樓中

翡翠巖

芙蓉幕裏千場醉翡翠巖前半日閑惆悵晉朝人不

到謝公拋力上東山

發新安後途中寄盧中丞二首

樓上風流庾使君笙歌曾醉此中聞目前已是陵陽
路回首叢山滿眼雲

晚樹蕭蕭促織愁風簾似水滿牀秋千山不礙笙歌
月誰伴羊公上夜樓

留題興唐寺

滿水樓臺滿寺山七年今日共躋攀月高對菊問行
客去折芳枝早晚還

廣陵道

鬪雞臺邊花照塵煬帝陵下水含春青雲回翅北歸
鴈白首哭途何處人

茅山道中

溪樹重重水亂流馬嘶殘雨晚程秋門前便是仙山
路目送歸雲不得遊

江上與兄別

楚國湘江兩渺瀰暖川晴鴈背帆飛人間離別盡堪
哭何況不知何日歸

落第

九陌初晴處處春不能回避看花塵由來得喪非吾

事本是釣魚船上人

宛陵館冬青樹

碧樹如煙覆晚波清秋欲盡客重過故園亦有如煙
樹鴻鴈不來風雨多

贈五老韓尊師

有客齋心事玉晨對山鬚鬢綠無塵住山道士年如
鶴應識當時五老人

經汾陽舊宅

門前不改舊山河破虜曾經馬伏波今日獨經歌舞
地古槐疎冷夕陽多

寄盧中丞

葉覆清溪灩灩紅路橫秋色馬嘶風獨携一榼郡齋
酒吟對青山憶謝公

途中

故園回首鴈初來馬上千愁付一杯惟有新詩似相
識暮山吟處共徘徊

寄裴瀾

綺雲初墮亭亭月錦度惟橫灩灩波宋玉逢秋正高
卧一篇吟盡柰情何

淮南丞相坐贈歌者虞姁

綺筵無處避梁塵虞姁清歌日日新來值渚亭花欲
盡一聲留得滿城春

酬段侍御

蓮花上客思閑閑數首新詩到篔關吟得楚天風雨
霽一條江水兩三山

尋僧二首

臺殿參差日墮塵塢西歸去一庵雲寒泉何處夜深
落聲隔半巖踈葉聞

溪戶無人谷鳥飛石橋橫木掛禪衣看雲日暮倚松
立野水亂鳴僧未歸

發栢梯寺

一泓秋水千竿竹靜得勞生半日身猶有向西無限
地別僧騎馬入紅塵

西江晚泊

茫茫藹藹失西東柳浦桑村處處同戍鼓一聲帆影
盡水禽飛起夕陽中

南池

照影池邊多少愁往來重見此塘秋芙蓉苑外新經
雨紅葉相隨何處流

江樓舊感

獨上江樓思渺然月光如水水如天同來望月人何
處風景依稀似去年

南園

雨過郊園綠尚微落花惆悵滿塵衣芳樽有酒無人
共日暮看山還獨歸

南亭

孤亭影在亂花中悵望無人此醉同聽盡暮鐘猶獨
坐水邊襟袖起春風

贈女仙

水思雲情小鳳仙月涵花態語如絃不因金骨三清

客誰識吳州有洞天

宣州送判官

來時健筆佐票姚去折槐花度野橋誰見樽前此惆
悵一聲歌盡路迢迢

宿僧院

月滿長空樹滿霜度雲低拂近簷牀林中夜半一聲
磬卧見高僧入道場

尋僧

斜日橫窓起暗塵水邊門戶閉閑春千竿竹裏花枝
動只道無人似有人

經王先生故居

晚波東去海茫茫誰識蓬山不死鄉弄玉已歸蕭史
去碧樓紅樹倚斜陽

送從翁中丞奉使黠戛斯六首

楊雄詞賦舉天聞萬里油幢照塞雲僕射峯西幾千
騎一時迎著漢將軍

旌旗杳杳鴈蕭蕭春盡窮沙雪未消料得堅昆受宣
後始知公主已歸朝

雖言窮北海雲中屬國當時事不同九姓如今盡臣
妾歸期那肯待秋風

牢山望斷絕塵氛
濫濫河西拂地雲
誰見魯儒持漢節
玉關降盡可汗軍
山川險易接胡塵
秦漢圖來或未真
自此盡知邊塞事
河湟更欲託何人
秦皇無策建長城
劉氏仍窮北路兵
若遇單于舊牙帳
却應傷歎漢公卿

東亭柳

拂水斜煙一萬條
幾隨春色倚河橋
不知別後誰攀折
猶自風流勝舞腰

僧舍二首

秬言雙鬢未蹉跎
獨柰牛羊送日何
禪客不歸車馬去
晚簷山色爲誰多
溪上禪關水木閒
南山色與僧閑
春風盡日無來客
幽磬一聲高鳥還

新月

玉鉤斜傍畫簷生
雲匣初開一寸明
何事最能悲少婦
夜來依約落邊城

贈皇甫坦

養由弓箭已無功
牢落生涯事事同
相勸一杯寒食酒
幾多辛苦到春風

四祖寺

千株松下雙峯寺一盞燈前萬里身
自為心猿不調伏祖師元是世間人

聽蟬

噪蟬聲亂日初曛絃管樓中永不聞
獨奈愁人數莖髮故園秋隔五湖雲

寄遠

禁鐘聲盡見棲禽關塞迢迢故國心
無限春秋愁莫相問落花流水洞房深

池上

正憐佳月夜深坐池上暖回燕鴈聲
猶有漁舟繫江岸故人歸盡獨何情

春日書懷

暖鶯春日舌難窮枕上愁生曉聽中
應裏綠窻殘夢斷杏園零落滿枝風

贈別

水邊秋草暮萋萋欲駐殘陽恨馬蹄
曾是管絃同醉伴一聲歌盡各東西

靈巖寺

館娃宮伴千年寺水闊雲多客到稀
聞說春來更惆

長百花深處一僧歸

代人聽琴二首

抱琴花夜不勝春
獨奏相思淚滿巾
第五指中心最恨
數聲嗚咽爲何人

湘娥不葬九疑雲
楚水連天坐憶君
惟有啼烏舊名在
忍教嗚咽夜長聞

訪沈舍人不遇

溪翁強訪紫微郎
曉鼓聲中滿鬢霜
知在禁闈人不見
好風飄下九天香

座上獻元相公

寂寞堂前日又曛
陽臺去作不歸雲
從來聞說沙吒利
今日青娥屬使君

遣興二首

溪花入夏漸稀疎
雨氣如秋麥熟初
終日苦吟人不會
海邊兄弟久無書

讀徹殘書弄水回
暮天何處笛聲哀
花前獨立無人會
依舊去年雙燕來

送李給事

眼前軒冕是鴻毛
天上人間漫自勞
脫却朝衣獨歸去
青雲不及白雲高

宿僧舍

高僧夜滴芙蓉漏遠客窻含楊柳風何處相逢話心地月明身在磬聲中

吳門夢故山

心熟家山夢不迷孤峯寒遶一條溪秋窻覺後情無限月墮館娃宮樹西

別李譜

尊前路映暮塵紅池上琴橫醉席風今日別君如別鶴聲容長在楚絃中

和杜侍郎題禪智寺南樓

樓畔花枝拂檻紅露天香動滿簾風誰知野寺遺鈿處盡在相如春思中

發青山

鳧鷖聲暖野塘春鞍馬嘶風驛路塵一宿青山又前去古來難得是閑人

寄道者

洞庭先生歸路長海雲望極春茫茫別來幾度向蓬島自傍瑤臺折靈草

入藍關

微煙已辨秦中樹遠夢更依江上臺看落晚花還悵

望鯉魚時節入關來

落第寄沈詢

穿楊力盡獨無功
華髮相期一夜中
別到江頭舊吟處
爲將雙淚問春風

送韋中丞

二年恩意是春輝
清淨曾襟似者希
泣盡楚人多少淚
滿船唯載酒西歸

詠端正春樹

一樹繁陰先著名
異花竒葉儼天成
馬嵬此去無多地
祇合楊妃墓上生

叙事獻同州侍御三首

青雲席中羅襪塵
白首江上吟詩人
登龍不及三千士
虛度膺門二十春

平生望斷雲層層
紫府杳是他人登
却應歸訪溪邊寺
說向當時同社僧

尊前誰伴謝公游
蓮岳晴來翠滿樓
坐見一方金變化
獨吟紅藥對殘秋

婺州宴上留別

雙溪樓影向雲橫
歌舞高臺晚更清
獨自下樓騎瘦馬
搖鞭重入亂蟬聲

別牛郎中門館

整襟收淚別朱門
自料難酬顧念恩
招得片魂騎匹馬
西風斜上入秋原

山中寄盧簡求

竹西池上有花開
日日幽吟看又回
心憶郡中蕭記室
何時暫別醉鄉來

寄梁侑兄弟

桃李春多翠影重
竹樓當月夜無風
荀家兄弟來還去
獨倚欄干花露中

同州南亭陪劉侍郎送劉先輩

處處雲隨晚望
洞庭秋入管絃來
謝公待醉消離恨
莫惜臨川酒一杯

贈館驛劉巡官

雲別青山馬踏塵
負才難覓作閑人
莫言館驛無公事
詩酒能消一半春

贈解頭賈嵩

賈生名跡忽無倫
十月長安看盡春
顧我先鳴還自笑
空沾一第是何人

題曾壁

曉傍疎林露滿巾
碧山秋寺屬閑人
溪頭盡日看紅

葉却笑高僧衣有塵

沙溪館

翠濕衣襟山滿樓竹間溪水遶牀流行人莫羨郵亭吏生向此中今白頭

李侍御歸炭谷山居同宿華嚴寺

家在青山近玉京白雲紅樹滿歸程相逢一宿最高寺半夜翠微泉落聲

過噴玉泉

平生半爲山淹留馬上欲去還回頭兩京塵路一雙鬢不見玉泉千萬秋

漢陰庭樹

掘溝引水澆蔬圃插竹爲籬護藥苗楊柳如絲風易亂梅花似雪日難消

送王拾遺謝官後歸滄水山居

水邊殘雪照亭臺臺上風襟向雪開還似當時姓丁鶴羽毛成後一歸來

宿長水主人

白雲溪北叢巖東樹石夜與潺湲通行人一宿翠微月二十五絃聲滿風

萬首唐人絕句卷第三十七

萬首唐人絕句卷第三十八

七言一百首

重陽二首

趙嘏 十七首

節逢重九海門外家在五湖煙水東還向秋山覓詩
句伴僧吟對菊花風

病酒堅辭綺席春菊花空伴水邊身由來舉止非閑
雅不是龍山落帽人

十無詩寄桂府楊中丞

琴酒曾將風月須謝公名跡滿江湖不知貴擁旌旗
後猶暇憐詩愛酒無

東省南宮興不孤幾因詩酒謬招呼一從開署芙蓉
幕曾向風前記得無
遙聞桂水遶城隅城上江山滿畫圖為問訾家洲畔
月清秋擬許醉狂無
日暮江邊一小儒空憐未有白髭鬚馬融已貴諸生
老猶自容窺絳帳無
一種吟詩號孔徒滄江有客獨踈愚初筵盡辟知名
士許到風前月下無
望斷南雲日已晡便應憑夢過重湖不知自古登龍
者曾有因詩泥得無

早游門館一樵夫祇愛吟詩傍藥爐旌旆滿江身不
見思言記得潁川無
孔融襟抱稱名儒愛物憐才與世殊今日賓階忘姓
字當時省記薦雄無
僻愛江山俯坐隅人間不是便為圖樽前為問神仙
伴肯向三清慰薦無
膺門不避額逢朱絕境由來卷軸須早忝阿戎詩友
契趨庭曾薦禰生無

寄山僧○

雲裏幽僧不置房椽花藤葉蓋禪牀朝來逢著山中

伴聞說新移最上方

喜張漬及第

九轉丹成最上仙
青天暖日踏雲軒
春風賀喜無言
語排比花枝滿杏園

贈張漬榜頭被駁落

莫向花前泣酒杯
謫仙依舊是仙才
猶堪與世爲祥
瑞曾到蓬山頂上來

悼亡二首

一燭從風到奈何
二年衾枕逐流波
雖知不得公然
淚時泣闌干恨更多

明月蕭蕭海上風
君歸泉路我飄蓬
門前雖有如花
貌爭奈如花心不同

送張主簿

顧非熊 四首

松窻久是食霞客
山縣新爲主印官
混俗故來分利
祿不教長作異人看

瓜洲送朱萬言

渡頭風晚葉飛頻
君去還吳我入秦
雙淚別家猶未
斷不堪仍送故鄉人

秋夜長安病後作

秋中帝里經旬雨
晴後蟬聲更不聞
牢落閑庭新病

起故鄉南去鴈成羣

題王使君片玉

勢似孤峯一片成坐來疑有白雲生主人莫怪殷勤
看遠客長懷舊隱情

代宮嬪

柳公權二首

不分前時忤主恩已甘寂寞守長門今朝却得君王
顧重入椒房拭淚痕

楓橋夜泊

張繼二首

月落烏啼霜滿天江楓漁火對愁眠姑蘇城外寒山
寺夜半鐘聲到客船

閶門即事

耕夫占募逐樓船春草青青萬頃田試上吳門看郡
郭清明幾處有新煙

晚涼

裴夷直 三十六首

簷前蔽日多高樹竹下添池有小渠山客野僧歸去
後晚涼移案獨臨書

和周侍御洛城雪

天街飛轡踏瓊英四顧全疑在玉京一種相如抽祕
思兔園那比鳳皇城

奉和大梁相公送人二首

謝公日日傷離別又向西堂送阿連想到越中秋已
盡鏡湖應羨月團圓

北津楊柳迎煙綠南岸闌干映水紅君到襄陽渡江
處始應回首憶羊公

酬唐仁烈相別後喜隔風未發見寄

離心一起淚雙流春浪無情也白頭風若有知須放
去莫教重別又重愁

秦中卧病思歸

索索涼風滿樹頭破窻殘月五更秋病身歸處吳江
上一寸心中萬里愁

送王績

翠羽長將玉樹期偶然飛下肯多時翩翩一路嵐陰
晚却入青葱宿舊枝

贈美人琴絃

應從玉指到金徽萬態千情料可知今夜燈前湘水
怨殷勤封在七條絲

病中知皇子陂荷花盛發寄王績

十里蓮塘路不賒病來簾外是天涯煩君四句遙相
寄應得詩中便看花

歲日先把屠蘇酒

自知年幾偏應少先把屠蘇不讓春儻更數年逢此
日還應惆悵羨他人

上下七盤二首

斗回山路掩皇州二載歡娛一望休從此萬重青嶂
合無因更得重回頭

商山半月雨漫漫偶值新晴下七盤山似換來天似
洗可憐風日到長安

八月十五日夜

去年今夜在商州還爲清光上驛樓宛是依舊顏
色自憐人換幾般愁

南詔朱藤杖

六節南藤色似朱拄行階砌勝人扶會須將入深山
去倚看雲泉作老夫

夜意

蕭疎盡地林無影浩蕩連天月有波獨立空亭人睡
後洛橋風便水聲多

漫作

月色莫來孤寢處春風任向別人家梁園桃李雖無
數斷定今年不看花

訪劉君

擾擾馳蹄又走輪五更飛盡九衢塵靈芝破觀深松
院還有齋時未起人

楊柳枝詞

已作綠絲籠曉日又成飛絮撲晴波隋家不合栽楊
柳長遣行人春恨多

寄杭州崔使君

朝下歸來只閉關羨君高步出人寰三年不見塵中
事滿眼江濤送雪山

窮冬曲江閑步

雪盡南坡鴈北飛草根春意勝春暉曲江永日無人

到獨遶寒池又獨歸

省中題新植雙松

端坐高宮起遠心雲高水闊共幽沉更堂寓直將誰
語自種雙松伴夜吟

崇山郡

地盡炎荒瘴海頭聖朝今又放驩堦交州已在南天
外更過交州四五州

臨水

一見心原斷百憂益知身世兩悠悠江亭獨倚欄干
處人亦無言水自流

題江上柳寄李使君

桂江南度無楊柳見此令人眼暫明
應學郡中賢太守依依相向許多情

江上見月懷古

月上江平夜不風伏波遺跡半成空
今宵倍欲悲陵谷銅柱分明在水中

鸚鵡

勸爾莫移禽鳥性翠毛紅嘴任天真
如今漫學人言巧解語終須累爾身

寄婺州李給事二首

心盡玉皇恩已遠跡留江郡宦應孤
不知壯氣今何似猶得凌雲貫日無
瘴鬼翻能念直心五年相遇不相侵
目前唯有思君病無底滄溟未是深

秋日

六眸龜北涼應早三足烏南日正長
常記京關怨搖落如今目斷滿林霜

遣意

梧桐墜露露悲先朽松桂凌霜倚後枯
不是世間長在物暫分貞脆竟何殊

戲酬惟賞上人

師是浮雲無着身我居塵網敢相親
應從海上秋風便偶自飛來不爲人

寓言

流水頽陽不暫停東流西落兩無情
不是世閒人自老古來華髮此中生

憶家

天海相連無盡處夢魂來往尚應難
誰言南海無霜雪試向愁人兩鬢看

留客

青梅欲熟笋初長嫩綠新陰遶砌涼
湖館翛然無俗客白衣居士且匡牀

別蘄春王判官

四十年來真久故三千里外暫相逢
今日一盃成遠別煙波眇眇恨重重

將發循州社日於所居館宴送

浪花如雪疊江風社過高秋萬恨中
明日便隨江燕去依依俱是故巢空

亂後經淮陰岸

朱放 三首

荒村古岸誰家在野水溪雲處處愁
唯有河邊衰柳

樹蟬聲相送到揚州

別李季蘭

古岸新花開一枝岸旁花下有分離莫將羅袖拂花
落便是行人腸斷時

九日期登山不得往因贈楊疑

欲從携手登高去一到門前意已無那得更將頭上
髮學他年少插茱萸

尋山家

長孫佐輔 三首

獨訪山家歇還涉茅屋斜連隔松葉主人聞語未開
門繞籬野菜飛黃蝶

沼邊枯樹

野火燒枝水洗根數圍枯樹半心存應是無機承雨
露却將春色寄苔痕

別友人

愁多不忍醒時別想極還尋靜處行誰遣同衾又分
手不如行路本無情

祠漁山神女歌二首 王叡

蓬草頭花椰葉裙蒲葵樹下舞蠻雲引領望江遙滴
酒白蘋風起水生文

棖棖山響砧琵琶酒濕青莎肉飼鴉樹葉無聲神去

後紙錢灰出木綿花

即事奉呈韋使君 秦系 一首

久卧雲間已息機青袍忽着狎鷗飛詩興到來無一事郡中今有謝元暉

宴城東莊 崔思 一首

一月生人笑幾回相逢相值且銜杯眼看春色如流水今日殘花昨日開

○同前 崔敏童 一首

一年過又一年春百歲曾無百歲人能向花中幾回醉十千沽酒莫辭頻

長門怨二首 劉阜 二首

宮殿沉沉月欲分昭陽更漏不堪聞珊瑚枕上千行淚不是思君是恨君
蟬鬢慵梳倚帳門蛾眉不掃慣承恩傍人未必知心事一面殘粧空淚痕

漁陽將軍 張為 一首

霜髭擁頷對窮秋着白貂裘獨上樓向北望星提劍立一生長為國家憂

婕妤怨 王沈 一首

長信梨花暗欲栖應門上鑰草萋萋春風吹花亂撲

戶班絕車聲不至啼

湘中謠二首

崔塗 十三首

煙愁雨細雲冥冥杜蘭香老三湘清故山望斷不知處
鷓鴣隔花時一聲

蒼山遙遙江潏潏路傍老盡一闌人王孫不見草空綠
惆悵渡頭春復春

泉

遠辭巖竇瀉潏潏靜拂雲根別故山可惜寒聲留不
得旋添波浪向人閒

感花

繡軛香鞵夜不歸少年爭惜最紅枝東風一陣黃昏
雨又到繁花夢覺時

巫山旅別

五千里外三年客十二峯前一望秋無限別竟招不
得夕陽西下水東流

雲

得路直爲霖濟物不然閑共鶴忘機無端是向陽臺
畔長送襄王暮雨歸

澗松

寸寸凌霜長勁條路人猶笑未干霄南園桃李誠堪

羨爭柰春殘又寂寥

讀漢武內傳

分明三鳥下儲胥一覺鈞天夢不如爭那白頭方士
到茂陵紅樹已蕭疎

聲

歡戚猶來恨不平此中高下本無情韓娥絕唱唐衢
哭盡是人間第一聲

題海棠花圖

海棠花底三年住不覺海棠花盛開却向江南看圖
畫始慙虛到蜀中來

上巳日

未敢分明賞物華十年如見夢中花遊人過盡衡門
掩獨自凭欄到日斜

夷陵夜泊

家依楚塞窮秋別身逐孤舟萬里行一曲巴歌半江
月便應消得二毛生

放鷓鴣

秋入池塘風露微曉開籠檻看初飛滿身金翠畫不
得無限煙波何處歸

江雨望花

盧中

八首集名盧中
不載姓名

細雨滿江春水漲好風留客野梅香避秦不是無歸
意一度逢花一斷腸

初識梅花

江北不如南地暖江南好斷北人腸燕脂桃頰梨花
粉共作寒梅一面粧

折楊柳

朝朝車馬如蓬轉處處江山待客歸若使人閒少離
別楊花應合過春飛

七夕

年年七夕渡瑤軒誰道秋期有淚痕自是人間一周

歲何妨天上只黃昏

泛楚江

九重城外家書遠百里洲前客棹還金印碧幢如見
問一生安穩是長閑

讀庾信集

四朝十帝盡風流建業長安兩醉遊唯有一篇楊柳
曲江南江北爲君愁

題授陽鎮路

越鳥巢邊溪路斷秦人耕處洞門開小桃花發春風
起千里江山一夢回

初過漢江

襄陽好向岷亭看人物蕭條值歲闌為報習家多置酒夜來風雪過江寒

經劉校書墓

喻鳧三首

遠冢松回曲渚風其官聞是校書終霜情月思今何在零落人間策子中

憶友人

銀地無塵金菊開紫梨紅棗墮葢苔一泓秋水一輪月今夜故人來不來

蔣處士宅喜閑公至

絕杯夏別螺江渡單鉢春過處士齋管茗議空經夜半照花明月影侵階

虜患

張陵一首

今日漢家探使回蟻壘胡兵來未歇春風渭水不敢流摠作六軍心上血

萬首唐人絕句卷第三十八

萬首唐人絕句卷第三十九

七言一百首

漢宮曲

徐凝六十二首

水色簾前流玉霜
趙家飛燕侍昭陽
掌中舞罷簫聲絕
三十六宮秋夜長

和嵩陽客月夜憶上清人

獨夜嵩陽憶上仙
月明三十六峯前
瑤池月勝嵩陽月
人在玉清眠不眠

八月望夕雨

今年八月十五夜
寒雨蕭蕭不可聞
如練如霜在何

處吳山越水萬重雲

觀浙江濤

浙江悠悠海西綠驚濤日夜兩翻覆錢塘郭裏看潮人直至白頭看不足

廬山瀑布

虛空落泉千仞直雷奔入江不暫息今古長如白練飛一條解破青山色

嘉興寒食

嘉興郭裏逢寒食落日家家拜掃回唯有縣前蘇小無人送與紙錢來

憶揚州

蕭娘臉下難勝淚桃葉眉頭易得愁天下三分明月夜二分無賴是揚州

八月燈夕寄游越施秀才

四天淨色寒如水八月清輝冷似霜想得越人今夜見孟家珠在鏡中央

八月十五夜

皎皎秋空八月圓常娥端正桂枝鮮一年無似如今夜十二峯前看不眠

題伍員廟

千載空祠雲海頭夫差亡國已千秋
浙波只有靈濤在拜奠青山人不休

負嶠先生

負嶠先生無白髮海煙深處採青芝
逢人借問陶唐主欲進冰蠶五色絲

莫愁曲

玳瑁床頭刺戰袍碧紗窗外葉騷騷
若爲教作遼西夢月冷如丁風似刀

寄白司馬

三條九陌花時節萬戶千車看牡丹
爭遣江州白司

馬五年風景憶長安

相思林

遊客遠遊新過嶺每逢芳樹問芳名
長林遍是相思樹爭遣愁人獨自行

寄海嶠丈人

萬丈只愁滄海淺一身誰測歲年遙
自言來此雲邊住曾看秦王樹石橋

寄潘先生

至人知姓不知名聞道黃金骨節輕
世上仙方無覓處欲來西岳事先生

宮中曲二首

披香侍宴插山花
厭著龍綃著越紗
恃賴傾城人不及
檀粧唯約數條霞
身輕入寵盡恩私
署細偏能舞柘枝
一日新粧拋舊樣
六宮爭畫黑烟眉

七夕

一道鵲橋橫渺渺
千聲玉佩過玲玲
別離還有經年客
悵望不如河鼓星

八月九月望夕雨

八月繁雲連九月
兩回三五晦漫漫
一年悵望秋將

盡不得常娥正面看

喜雪

長愛謝家能詠雪
今朝見雪亦狂歌
楊花道即偷人句
不那楊花似雪何

春飲

烏家若下蟻還浮
白玉尊前倒即休
不是春來偏愛酒
應須得酒遣春愁

二月望日

長短一年相似夜
中秋未必勝中春
不寒不暖看明月
況是從來少睡人

讀遠書

兩轉三回讀遠書
畫簷愁見燕歸初
百花時節教人懶
雲髻朝來不欲梳

古樹

古樹欹斜臨古道
枝不生花腹生草
行人不見樹少時
樹見行人幾番老

獨住僧

百補袈裟一比丘
數莖長睫覆青眸
多應獨住山林慣
唯照寒泉自剃頭

傷畫松道芬上人

因畫釣臺江山而逝

百法驅馳百年壽
五勞消瘦五株松
昨來聞道嚴陵死
畫到青山第幾重

觀釣臺畫圖

一水寂寥青靄合
兩岸摧萃白雲殘
畫人心到啼猿破
欲作三聲出樹難

荆巫夢思

楚水白波風嫋嫋
荆門暮色雨蕭蕭
相思合眼夢何處
十二峯高巴字遙

浙東故孟尚書種柳

孟家種柳東城去
臨水逶迤思故人
不似當時大司

馬重來得見漢南春

長洲覽古

吳王上國長洲奢翠黛寒江一道斜傷見摧殘舊宮
樹美人曾插九枝花

却歸舊山望月有寄

年年明月摠相似大抵人情自不同今夜故山依舊
見班家扇樣碧峯東

再歸松溪舊居宿西林

五粒松深溪水清衆山搖落日偏明西林靜夜重來
宿暗記人家犬吠聲

翫花五首

一樹梨花春向暮雪枝殘處怨風來明朝漸校無多
去看到黃昏不欲回

麴塵溪上素紅枝影在溪流半落時時人自惜花腸
斷春風却是等閑吹

朱霞燄燄山枝動綠野聲聲杜宇來誰爲蜀王身作
鳥自啼還自有花開

誰家躑躅青林裏半見殷花燄燄枝憶得倡樓人送
客深紅衫子影門時

花到薔薇明艷絕燕支顛破麥風秋一番弄色一番

退小婦輕粧大婦愁

長慶春

山頭水色薄籠煙
又客新愁長慶年
身上五勞仍病酒
天杳窻下背花眠

山鷓鴣詞

南越嶺頭山鷓鴣
傳是當時守貞女
化爲飛鳥然何人
猶有啼聲帶蠻語

鄭女出參丈人詞

鳳釵翠翹雙宛轉
出見丈人梳洗晚
掣曳羅綃跪拜時
柳條無力花枝軟

春雨

花時悶見聯綿雨
雲入人家水毀堤
昨日春風源上路
可憐紅錦枉拋泥

和白使君木蘭花

枝枝轉勢雕弓動
片片搖光玉劍斜
見說木蘭征戍女
不知那作酒邊花

正月十五夜呈幕中諸公

宵游二萬七千人
獨坐重城圈一身
步月游山俱不得
可憐辜負白頭春

樂府新詩

一聲盧女十三絃早嫁城西好少年不羨越溪歌者
苦采蓮歸去綠窻眠

春陪相公看花宴會二首

丞相邀歡事事同玉簫金管咽東風百分春酒莫辭
醉明日的無今日紅
木蘭花謝可憐條遠道音書轉寂寥春去一年春又
盡幾回空上望江橋

牡丹

何人不愛牡丹花占斷城中好物華疑是洛川神女
作千嬌萬態破朝霞

過馬當

風波隱隱石蒼蒼送客靈鴉拂去檣三月盡頭雲葉
秀小姑新着好衣裳

金谷覽古

金谷園中數尺土問人知是綠珠臺綠珠歌舞天下
絕唯與石家生禍胎

上陽紅葉

洛下三分紅葉秋二分翻作上陽愁千聲萬片御溝
上一片出宮何處流

洛城秋砧

三川水上秋砧發五鳳樓前明月新誰爲秋砧明月
夜洛陽城裏更愁人

和川守侍郎綏山題仙廟

王子綏山石殿明白家詩句詠吹笙安知散席人間
曲不是寥天鶴上聲

和夜題玉泉寺

歲歲雲山玉泉寺年年車馬洛陽塵風清月冷水邊
宿詩好官高能幾人

和秋遊洛陽

洛陽自古多才子唯愛春風爛漫游今到白家詩句

出無人不詠洛陽秋

和嘲春風

源上拂桃燒水發江邊吹杏暗園開可憐半死龍門
樹懊惱春風作底來

侍郎宅泛池

蓮子花邊回竹岸鷄頭葉上盪蘭舟誰知洛北朱門
裏便到江南綠水遊

和侍郎邀宿不至

蟾蜍有色門應鎖街鼓無聲夜自深料得白家詩思
苦一篇詩了一彈琴

自鄂渚至河南將歸江外留辭侍郎

一生所遇唯元白天下無人重布衣
欲別朱門淚先盡白頭遊子白身歸

蠻入西川後

守隘一夫何處在長橋萬里只堪傷
紛紛塞外烏蠻賊驅盡江頭濯錦娘

憶紫溪

長憶紫溪春欲盡千巖交映水回斜
巖空水滿溪自紫水態更籠南燭花

誇紅槿

誰道槿花生感促可憐相計半年紅
何如桃李無多少併打千枝一夜風

塞下

江爲一首

萬里黃雲凍不飛磧煙烽火夜深微
胡兒移帳寒笳絕雪路時聞探馬歸

悲老宮人

劉得仁一首

白髮宮娃不解悲滿頭猶自插花枝
曾緣玉貌君王寵準擬人看似舊時

題真娘墓

譚銖一首

武丘山下冢纍纍松柏蕭條盡可悲
何事世人偏重

色真娘墓上獨題詩

宮怨

司馬札四首

柳色參差掩畫樓
曉鶯啼送滿宮愁
年年花落無人見
空逐春泉出御溝

觀郊禮

鍾鼓旌旗引六飛
玉皇初著畫龍衣
泰壇煙盡星河曉
萬國心隨綵仗歸

秋日懷儲嗣宗

故人北遊久不回
霜鴈南度聲何哀
相思聞鴈更惆悵
却向單于臺下來

夜聽李山人彈琴

瑤琴夜久絃秋清
楚客一奏湘煙生
曲終聲盡意不盡
月照竹軒紅葉明

客路

吳仁璧十首

人寰急景如波委
客路浮雲似蓋輕
回首故山天外碧
十年無計却歸耕

錢塘鶴

人閒路靄青
天半鰲岫雲生碧
海涯雖抱雕籠密
扁鑰可能長在叔倫家

南徐題友人郊居

門前樵徑連江寺岸下漁磯繫海槎待到秋深好時
節與君長醉隱侯家

讀度人經寄鄭仁表

身雖一旦塵中老名擬三清會裏題二午九齋餘日
在請君相伴醉如泥

衰柳

金風漸利露珠團廣陌長堤黛色殘水殿狂遊隋煬
帝一千餘里可堪看

賈誼

扶持一疏滿遺編漢階前
少年誰道恃才輕絳

灌却將惆悵弔湘川

鳳仙花

香紅嫩綠共開時冷蝶饑蜂兩不知此際最宜何處
看朝陽初上碧梧枝

春雪

雪霽疑光入坐寒天明由自卧袁安貂裘穿後鶴擎
弊自此風流不足看

金錢

淺絳濃香幾朶勻日鎔金鑄萬家新堪疑劉寵遺芳
在不許山陰父老貧

秋日聽僧彈琴

金徽玉軫韻冷然言下浮生指下泉
恰稱秋風西北起一時吹入碧湘煙

題都城南莊

崔護 一首

去年今日此門中人面桃花相映紅
人面只今何處在桃花依舊笑春風

銅雀妓

吳燭 一首

秋色 一
陵滿綠蕪繁絃急管強懽娛
長舒羅袖不成舞却 一
風前承淚珠

長門怨

裴交泰 一首

自閉長門經幾秋羅衣濕盡淚還流
一種蛾眉明月夜南宮歌管北宮愁

惆悵詩九首

顧甄遠

冤黯黯兮情脉脉簾風清兮窻月白
夢驚枕上爐燼銷不見藥珠宮裏客

禁漏聲稀蟾魄冷紗厨筠簟波光淨
獨坐愁吟暗斷冤滿窻風動芭蕉影

別恨離腸空惻惻風動虛軒池水白
莫言靈圃步難尋有心終効偷桃客

愁遇人間好風景焦桐韻滿華堂靜
鑑鸞釵燕恨何

窮忍向銀床空抱影

綠槐影裏傍青樓陌上行人漫舉頭煙水露花無處
問搖鞭凝睇不勝愁

役盡心神銷盡骨恩情未斷忽分離平生此恨無言
處只有衣襟淚得知

濃醪艷唱愁難破骨瘦魂消病已成若爲多羅年少
死始甘人道有風情

淚滿羅衣酒滿卮一聲歌斷怨傷離如今兩地心中
事直是瞿曇也不知

橫泥杯觴醉復醒愁牽時有小詩成早知惹得千般

恨悔不天生解薄情

楊柳枝五首

孫魴

靈和風暖太昌春舞線搖絲向昔人何似曉來江雨
後一行如畫隔遙津

彭澤初栽五樹時只應閑看一枝枝不知天意風流
處要與佳人學畫眉

暖傍離亭靜拂橋入流穿檻綠搖搖不知落日誰相
送竟斷千條與萬條

春來綠樹遍天涯未見垂楊未可誇晴日萬株煙一
陣閑坊兼是莫愁家

十首當年有舊詞唱青歌翠幾無遺未曾得向行人
道不爲離情莫折伊

春夜

劉兼 四首

薄薄春雲籠素月杏花滿地堆香雪醉垂羅袂倚朱
欄小數玉仙歌未闕

西齋

西齋新竹兩三莖也有風敲碎玉聲莫恨移來欄檻
遠譬如元本此閒生

春遊

柳成金穗草如茵載酒尋花共賞春先入醉鄉君莫

問十年風景在三秦

中夏晝卧

寂寂無聊九夏中倚簷依壁待清風壯圖音策無人
問不及南陽一卧龍

萬首唐人絕句卷第三十九

不周經卷三十九

廿五

德星堂

國

